

## **Theologiae Moralis Super Decalogum Seu Decem Dei Praecepta Pars ...**

Tractatus I. Prooemialis De Principiis communibus Doctrinæ Moralis,  
Conscientia, Actu Humano, Et Peccato In Genere

**Sporer, Patricius**

**Salisburgi, 1713**

Sectio III. Peccatum ex contemptu.

---

[urn:nbn:de:hbz:466:1-59488](#)

phemandi vel pejerandi consuetudinem exercet, atque confirmat: non item ad deserendam mercaturam, officium militare, aurigandi, vel similia, quae sine gravi suo incommmodo deferere non possit. Vide Sanch. l. c.

IV.

D Enique postquam pœnitens pravam consuetudinem ita blasphemandi, pejerandi, &c. efficaci proposito retractavit, debitumq; contum eam deponendi, atque cautelam adhibuit, tunc consequentes blasphemiae, &c. ex vi ejusdem consuetudinis, inculpabiliter contra voluntatem, & conatum tuum remanentis, quasi naturalia ac necessariò impetu erumpentes, nullo modo amplius ad peccatum imputari poterunt: quia nunquam sunt amplius ullo modo voluntariae, neque in se directè, ut supponitur: neque indirectè in sua causa, scilicet consuetudine, etiamsi voluntarie contractâ, jam tamen voluntarie, & efficaciter retractata, ut amplius voluntaria censi non possit.

### SECTIO III.

#### Peccatum ex contemptu.

##### SUMMARIUM.

16. Quid sit peccatum ex contemptu.
17. Transgressio cujuscunque legis, in quabis materia, tantum minima, est peccatum mortale;
18. Et speciale formalis inobedientie.
19. Et siat ex contemptu, non item ex contemptu tantum,
20. Ex contemptu scilicet formalis ( quo contemnitur lex, vel Superior ut talis )
21. Et iniquito.

Mm 3

22. Quod

62. Quod maxime verum est, si talis transgressio sit legi divine.

**S**ixtum ex contemptu dicitur, quod ex contemptu legis vel Legislatoris committitur: sive, uti explicat S. Thomas, cum quis ideo peccat, legem vel præceptum transgreditur, quod nolit esse subjectus legi, ex affectu indignationis erga legem, Legislatorem, ejusve legislativam potestatem.

### ASSERTIO.

**T**ransgressio cuiuscunque divinae vel humanae legis vel præcepti, in quaunque materia, quantumvis minima, ex contemptu formalis, inchoato ipsius legis, vel legislatoris, præcepti, vel præcipientis, est peccatum mortale, & speciale formalis inobedientia. Doctrina certa, & Orthodoxa.

### EXPLICATIO.

**S**71. Assertionem inter alios SS. Patres perspicue docet D. Bernardus I. de præcepto, & dispensat, inter alia dicens: *Contemptus in omnis pte mandatorum pari pondere gravis & communiter damnabilis est. Sive enim Deus, sive homo Vicarius Dei mandatum quocunque tradiderit, pari profecto obsequendum est cura, pari reverentia deferendum; ubi tamen Deo contraria non præcipit homo.* Item. *Ubique, & neglectus culpabilis, & contemptus damnabilis est.* Hac Bernardus. Similia alii Patres passim.

II. Ratio ex Scriptura Sacra desumpta est. Quia transgredi legem vel præceptum ex formali,

&amp;

Injusto contemptu legis vel præcepti, aut legislatoris vel præcipientis, est directè, & formaliter contemnere ipsam potestatem legislativam Superioris: at qui contemnere ipsam potestatem legislativam, utpote à Deo ordinatam, de se est gravissima injuria in ipsum Deum, ejusve sapientissimam ordinationem, uti demonstrat Apostolus Rom. 13. *Non est potestas, nisi a Deo.* Quae tamen sunt à Deo, ordinata sunt. Itaque qui resistit potestati, Dei ordinationi resistit. Qui autem resistunt, ipsi sibi damnationem acquirunt. Utique poenam peccati mortalis: maximè autem resistunt potestati, qui eam contemnunt: ergo ex formalī contemptu transgredi legem vel præceptum de se peccatum mortale est.

III. Et speciale formalis inobedientia. Quem-  
admodum enim obedientia omnium virtutum in  
observatione præceptorum versantium generalis  
conditio est, at specialis virtus efficitur, cum quis  
opus præceptum exequitur cum formalī inten-  
tione ac motivo obediendi, & satisfaciendi præcep-  
tio, adeò ut talis eodem actu, v. g. servando jeju-  
num præceptum, simul exerceat actum duplicitis  
virtutis, & temperantiae, & obedientiae formalis:  
ita quidem inobedientia omnium peccatorum  
contra leges vel præcepta commissorum generalis  
quædam conditio est, at verò efficitur speciale  
peccatum formalis inobedientiae, si legem vel  
præceptum violes formalī, & directa intentione  
non obediendi: quod ipsissimum fit per forma-  
lem contemptum præcepti vel præcipientis: adeò

Mm 4

ut

ut ex formalī contemptū præceptum v. g. jejunii violans, uno actū duplex peccatum committat, & intemperantiæ contra legem jejunii, & formalis inobedientiæ per contemptū legis: estque hoc posterius peccatum gravius priori, ideoque in confessione necessariò explicanda hæc circumstantia contemptū tanquam speciem mutans, seu novam diversam peccati speciem constituens, ut cum Valent. & aliis observat Sanchez l. I. Moral. c. 5. n. 9.

IV. Jam ulterius. Atqui etiam in re levissima resistere divinæ ordinationi, eāmque contemnere, semper est peccatum mortale, quia est injuria directè contra infinitam perfectionem Dei, nimirum sapientiam, æquitatem, juxta dicta *suprat.* s. n. 14. ergo transgredi legem vel præceptum ex formalī contemptū, etiam in re levissima, semper erit peccatum mortale. Quod quidem adeò verum est, ut non solum ea, quæ præcepta sunt, sed etiam, quæ sub consilio tradita sunt a Christo vel Ecclesia, puta, status Religionis, extrema Unctio, usus aquæ benedictæ, &c. ex formalī contemptū negligere mortale sit ob eandem rationem, teste Cajetano. *v. contemptus.* Navarro c. 23. n. 41. Consentit Glossa *inc.* *Quis autem d. 10. Aliud est contemnere: aliud non parere.* Nam consilio sine culpa non pareatur; sed non sine culpa contemnitur. Addit S. Thomas 2. 2. q. 182. a. 9. ab omnibus receptus: Etsi statuta Ordinis Prædicatorum idemque est de statutis Fratrum Minorum, exceptis iis, quæ per obedientiam, vel sub

Junil  
itat,  
rma-  
tque  
oque  
rum-  
s, seu  
s, ut  
am verò, ut assertio rectè intelligatur, observa  
minos, notanter enim dictum est.

§. I.

**E**x contemptu: non item cum contemptu tan-<sup>59</sup>  
tum. Differunt hæc. *Ex contemptu* trans-  
gredi legem vel præceptum est, quando contem-  
ptus est causa transgressionis, sic: ut ideo quis  
volit servare legem vel præceptum, quia contem-  
nit præceptum vel præcipientem; & si abesiit ta-  
ns contemptus, non transgrederetur: & hoc est  
peccatum semper mortale, & speciale inobedien-  
tia. *Cum contemptu* tantum transgredi legem  
vel præceptum est, cum quis quidem defacto con-  
temnit præceptum, vel præcipientem, is tamen  
contemptus non est causa, vel motivum transgres-  
sionis: sed, sicut stante illo contemptu, posset ad-  
huc servare legem, ex alio motivo, utpote, quia  
sumet poenam, vel observatio ipsi opportuna est;  
ita etiam, absente illo contemptu, adhuc trans-  
gredieretur legem ex alio motivo, vel vitiosa affe-  
ctione. Et hoc casu ipse contemptus legis vel  
Superioris erit peccatum mortale, vel veniale,  
prout injustus, gravis, vel levis fuerit: & trans-  
gressio legis erit simplex, pro ratione materiæ gra-  
vis vel levis, mortalis vel venialis absque speciali  
peccato inobedientiae formalis: quod bene no-

M m 5 tan-

## §. II.

**E**x contemptu formalis: quo nimis tūm contemnitur lex vel præceptum ut tale, & Superior, quatenus legem ferens vel præcipiens est; adeò, ut quis ob hoc ipsum nolit obedire, faciendo præcepta, vel omittendo prohibita, quia præcepta vel prohibita sunt: vel quia Superior præcepit, vel prohibuit. Hoc enim est formaliter, & directe contemnere potestatem à DEO ordinatam, cum gravissima injuria non tantūm Superioris, sed etiam ipsius DEI, ideoque semper peccatum mortale. Ut cùm Ecclesia præcipit jejunium, Prælatus Religiosus silentium, Magistratus tributum, vel ne quis armatus noctu incedat: &c. Tu autem, forte alias talia libenter facturus, tamen ob hoc ipsum, quia præcepta sunt, non vis jejunare, silentium servare, tributum pendere, armatus incedis, &c. peccas semper mortaliter, quia ex formalis contemptu legem transgrederis. Secùs dicendum de transgressione legis ex contemptu materiali tantūm præcepti vel præcipientis. Nam ex contemptu materiali ipsius legis vel præcepti, transgreditur, qui solum ipsam materiam præceptam parvi aestimat, levem censem vel iniurilem, & ideo contemnens negligit præceptum. Ut si Religiosus frangere silentium, unum haustum in civitate facere, bona fide, levem materiam, & parvi momenti judicet, & ideo secùs faciat, culpam veniam minime excedet. Ex contemptu vero materiali

teriali ipsius Superioris legislatoris, vel præcipi-  
tatis legem vel præceptum transgreditur, qui so-  
lo contemnit ipsam personam Superioris se-  
cundum se, quatenus talis homo est, ineptus, de-  
strosus, malitiosus, & ideo ex quadam indigna-  
tione vel aversione erga ipsum hominem talem,  
minime verò ipsam potestatem, præceptum ejus  
negligit: & tunc speculativè loquendo, ultra  
peccatum contemptus personæ majus vel minus,  
vel forte nullum, si contemptus vel indigna-  
tio justa esset, manebit transgressio legis sim-  
plex, gravius, vellevius, pro ratione materiæ,  
absque speciali peccato formalis inobedientiæ:  
practicè verò valde periculosest, ne subrepat  
contemptus etiam formalis ipsius potestatis in tali  
persona contempta residentis. Ideoque ex con-  
temptu personæ Superioris negligere vel trans-  
gredi legem plerūmque esse peccatum mortale,  
bene notat *Lessius l. i. c. 46. n. 45. communi Do-*  
*ctorum assensu.*

§. III.

**E**x contemptu formalis *injusto*, qualis semper est,  
est, quando manifestè non constat de injusti-  
tia, vel inutilitate legis, vel præcepti. In dubio  
enim subditus tenetur se conformare sententiæ  
Superioris, uti c. I. num. 95. dictum fuit. Secùs  
dicendum, quando contemptus esset justus: ut  
pote, si absque tergiversatione constaret, præce-  
pium esse injustum, inutile, reum tantâ pœnâ mi-  
nimè dignum, &c. Tunc enim meritò con-  
temneretur, ac negligeretur à prudenti, & probo  
viro,

viro, etiam formaliter. Neq; talis contemptus ullo modo redundaret in injuriam potestatis ordinatae à Deo; cùm nulla potestas sit à Deo ordinata & collata homini ad præcipiendum aliquid injustum vel inutile. Interim tamen monent omnes Doctores, maximè cavendum subditis, ne leges vel præcepta Superiorum temerè judicent, sed ubi manifestè non conitat, legem esse iniquam, vel iniuriam, semper in favorem legis ac præcipientis judicent, atque supponant, Superiores causas habere, cur ita præcipiant. Alioquin facillimè ignorantia, errore, vel pravo affectu, & inclinatione propriæ libertatis decipientur. Et hac ratione verum esse potest vulgatum illud dictum D. Gregorii *hom. 26. in Evang. Sententia Doctoris*, *sive justa, sive injusta fuerit, timenda est.* Hoc est, non temerè statim contemnenda, quousque manifestè esse injustam constiterit, uti communiter glossant Doctores.

## §. IV.

**H**actenus de transgressione humanæ legis vel præcepti potissimum sermo fuit. Strictius omnino loquendum quoad transgressionem Legum divinarum. Nam 1. Omnis transgressio legis vel præcepti divini etiam de re minima, v.g. non esse otiosè loquendum, mentiendum, &c. ex quocunque seu formali, seu materiali contemptu ipsius Legislatoris Dei sine dubio semper est peccatum mortale gravissimum. 2. Etiam ex contemptu formali ipsius præcepti cum relatione ad Deum ac potestatem divinam; quia nimis rū-

etando illud leve præceptum, non vis Deo subli-  
mata & mortale est, & gravissima Dei injuria. 3. E-  
stum ex contemptu ipsius præcepti divini, absque  
uplicata relatione ad Deum, vel absque omni po-  
testatis divinæ contemptu, ut si velis mentiri, quia  
præceptum illud vilipendis quasi inutile, & va-  
nus; iterum mortal is culpa est, secundum o-  
ciones, continet enim gravem contra DEum bla-  
femiam: qualem etiam contineret, si quis con-  
fessio Christi Domini, quasi inutilia & vana ne-  
gligens vilipenderet. 4. Denique ex contemptu  
materiali ipsius rei præceptæ, ut si velis  
transgredi præceptum, mentiendo non quod  
præcipientem ipsum, vel præceptum vilipendas;  
sed quia rem ipsam, scilicet ita jocosè, sine ullius  
documento, mentiri leve quid judicas, cuius  
non multum intersit, solum veniale culpam  
continere longè probabilius, contra Sanchez!. I.  
Moral. c. 5. n. 1. i. nimis rigorosè locutum, cum  
Layman. l. 1. Tract. 3. c. 7. n. 6. docet Tambu-  
rinus l. 1. c. 1. §. 4. n. 8. Ratio est, quia in hoc  
casu non parvipenditur, nisi res levis, & non nisi  
temotissimè redundans contra Deum. Tunc ea-  
nim voluntas mea resolvitur in hunc modum:  
Contemno rem levem, quia levis est: Nam si esset  
gravis, auf cederet in gravem injuriam Dei, non  
contemnerem.

#### S E C T I O N I V .

##### Peccata capitalia strictim explicata:

###### S U M M A R I U M .

1. Peccata capitalia (sic dicta, quod sunt omnium aliorum  
radix)